

O B A V I J E S T

Izborna Komisija općine Sanski Most je na jednoj od svojih sjednici donijela Zaključak da se objavi "OTVORENI POZIV" za sve zainteresirane građane Sanskog Mosta koji žele da rade u biračkim odborima za Lokalne izbore 2020. godine u svojstvu članova ili zamjenika odnosno u izbornoj administraciji.

Uvjeti za rad u biračkim odborima regulisani su Izbornim Zakonom BiH i podzakonskim aktima CIK-a, tako da kandidati koji se prijave moraju ispunjavati minimum uvjeta, i to: da imaju minimalno "SSS", prebivalište u Sanskom Mostu i da se nalazi na CBS-u, da nema drugih smetnji u smislu da su nosioci mandata iz 2016. godine, da su bili ili su na listama za Opće i Lokalne izbore (2018. i 2020. godine), što će se utvrditi i provjerom u CBS-u.

Prednost imaju kandidati sa VSS ili VŠS, zaposleni ili nezaposleni, i da su psiho-fizički sposobni za napore koje donosi izborni dan i noć, a prije toga edukaciju, testiranje i certificiranje.

Komisija će shodno prijavama i kvalifikacijama kandidata koji imaju adekvatnu stručnost – preporuka mlade osobe/studenti i sl. (informatičari, edukatori, i dr. kvalifikacije), a koji mogu koristiti komisiji u izbornom procesu eventualno angažirati u izbornu administraciju, bez prejudiciranja ishoda bilo koje prijave i kandidata, i o tome Odluku donosi Komisija.

Prednost u radu biračkih odbora imaju trenutno predloženi kandidati ispred političkih subjekata, dok Komisija po propisima može i mora pripremiti rezervu koja će se koristiti za pozicije u odborima koje nisu popunjene ili u slučaju odustajanja iz opravdanih razloga (nadamo se da toga neće biti).

Takođe svi koji žele da se prijave a prednost treba dati mladima i građanima koji nisu zaposleni, a imaju potrebne kvalifikacije, bez obzira na nacionalnu, rasnu, vjersku i svaku drugu pripadnost, pri čemu posebno pozivamo i pripadnike iz reda srpskog i hrvatskog naroda, nacionalnih manjina i dr., bez obzira i na političku pripadnost, tako da svi koji su zainteresirani **moгу preuzeti SG-3 Obrazac** u Zgradi ŠIP-a (portirnica) te isti popunjen sa svim generalijama predati/uručiti članu/ici Komisije (Ernad Maglić ili Amira Kadirić), ili u Zgradi Općine (portirnica) te isti popunjen sa svim generalijama predati/uručiti članici Komisije (Suadi C.Z.), tako da će Komisija razmotriti svaku prijavu i napraviti rezervu OIK-a, ali i koristeći se ovlaštenjima (ukoliko bude potrebe) koje daje član 2.1. tačka 3. Izbornog zakona Bosne i Hercegovine («Službeni glasnik BiH», broj: 23/01, 7/02, 9/02, 20/02, 25/02, 4/04, 20/04, 25/04, 52/05, 65/05, 77/05, 11/06, 32/07, 33/08, 37/08 i 32/10, 18/13, 7/14 i 31/16), u daljem tekstu: Izborni Zakon BiH, i to kako slijedi: "Svi organi vlasti na svim nivoima i zvaničnici u Bosni i Hercegovini i diplomatsko-konzularnim predstavništvima BiH **obavezni su pomagati organima nadležnim za provedbu izbora.**", te je Komisija stava da se prvo prednost treba dati građanima koji imaju potrebne kvalifikacije (zaposleni ili nezaposleni), a onda u krajnjem slučaju postupiti po navedenom članu.

Svi članovi biračkih odbora ili kandidati koji se budu prijavili kao rezerva i na kraju budu angažirani na dan izbora ili u administraciji, obavezni su da se pridržavaju svih pozitivnih propisa jer za svoj rad su odgovorni u skladu sa važećim propisima.

Naknade koje će se plaćati svim članovima biračkih odbora, angažiranim osobama ili osobama koje se prijave a koje usvaja Komisija, biće daleko veće nego do sada, pa čak vjerovatno i najveće u BiH, što je i značajna finansijska podrška građanima Sanskog Mosta. Svaka osoba koja se prijavi za rezervu komisije, prođe edukaciju, testiranje i bude certificirana, a ne bude eventualno angažirana za rad u biračkim odborima, ima pravo na minimalnu naknadu.

OIK SANSKI MOST